

Акафист Пресвятой Богородице пред иконой «Скоропослушница»

--

Кондак 1

Избранной от всех родов Божией Матери и Царице, скоропослушливо
внемлющей молитвам смиренным, и токи целébныя изливающей вѣрным от
икóны Своея святѣя, благодарственное приносим пѣние: Ты же,
всеми́лостивая Застѣпнице, преклонѣйся благоутрѣбно к гласомъ нашимъ
хвалѣбнымъ и от всякихъ бѣдъ свободѣ ны, зовущія Тѣ:

Радуйся, всеблагая Скоропослушнице, прошѣния наша во благо
исполняющая.

Икос 1

А́нгеловъ ли́цы благоговѣйно Тебѣ слѣжатъ, и вся Небѣсныя Сѣлы немолчными
гласы Тѣ ублажаютъ, Богородице Дѣво, яко рождшую а́нгеловъ Царя́ Христа́
Бога, мы же грѣшнии, подражати ѣмъ дерзаяще и достойно благохвалѣти Тѣ
недоумѣюще, смиренномудренно вопиѣмъ Тѣ:

Радуйся, неприступнаго Божества селѣние; радуйся, А́нгельское
непрестающее удивлѣние.

Радуйся, Трапѣзо святая, хлѣбомъ жи́зни насъ питающая; радуйся, маслино
благоплодная, елеемъ ми́лости сердца́ наша умащающая.

Радуйся, даровъ Божия благодати сокровищнице неистощимая; радуйся, чудесъ
реко́ приснотекущая.

Радуйся, обидимыхъ Застѣпнице; радуйся, печальныхъ Утѣшительнице.

Радуйся, бѣдствующихъ Помощнице; радуйся, болящихъ Целительнице.

Радуйся, разслабленныхъ укрепительнице; радуйся, плененныхъ
свободительнице.

Радуйся, всеблагая Скоропослушнице, прошѣния наша во благо
исполняющая.

Кондак 2

Ви́дяще милосѣрдие Твое́ неисчѣтное, Владычице, и многая чудеса́, Тобо́ю
явлѣнная и прѣсно являемая чрезъ святѣя ико́ны Твоя́, ѣмиже, яко звездами
богосвѣтлыми, весь ми́ръ христиа́нский украсѣла еси́, величаѣмъ Тѣ,
возвеличившую родъ нашъ Твоѣмъ благоволеніемъ, и съ любóвию покланяѣмся

пречістаго ліка Твоєго изображенію, зовуще Сїну Твоєму Христу Богу:
Аллилуїа.

Їкос 2

Разум небесный открывающе, Богородице, благоволила еси в земном жребии
Твоём, Святѣй Горѣ Афѳонстей, многими чудесы прославити икону Твою,
юже Самá Скоропослушницею наименовала еси гласом Божественным от нея
изшедшим, да вси вѣдуще таковое Твое о ней благоволение, пѣсненно Тебѣ
вопиют:

Радуйся, милосѣрдая всех нас о Христѣ Мати; радуйся, Духа Святаго
жилище.

Радуйся, любве Божия к человеку проявление; радуйся, рода человеческого
возвышение.

Радуйся, свѣтлая палата Бога Слова; радуйся, святая святыхъ большая.

Радуйся, рождающая Божественнаго Агнца; радуйся, возрастившая нам клас
животѣ.

Радуйся, брашна негибнущаго стѣмно всезлатая; радуйся, Питательнице
Питателя вселенныхъ.

Радуйся, яко предстательством Твоимъ спастися уповаем; радуйся, яко
молитвами Твоими наслѣдие небесное получитьи чаемъ.

Радуйся, всеблагая Скоропослушнице, прошѣния наша во благо
исполняющая.

Кондак 3

Силою Божиєю дѣйствующи, неблагоговѣно ходившаго предъ святою Твоею
иконою Дохиарския обители трапезаря Нїла слепотою и разслабленіемъ тѣла
наказала еси, Богородице Дѣво, да прочее не дерзаетъ оскорбляти Тя в
пречистѣмъ Твоѣмъ образѣ, егѳже в залогъ благоволенія Твоєго всеѣ Афѳонстей
горѣ даровала еси мѣлостиво, да вси насѣльницы еѣ гласы преподѣбными
вопиютъ рождшемуся отъ Тебѣ Богу Слову: Аллилуїа.

Їкос 3

Имѣя любовь велию к людемъ, искупленнымъ Кровію Сына Твоєго и Бога,
Владѣчице Всеблагая, покаяніе трапезаря Нїла мѣлостиво пріяла еси и
исцѣленіе ему отъ слепоты и разслабленія даровала еси, да служитъ

непрестанно Тебѣ и молитвы немолчныя приносит Тѣ пред многоцелѣбною Твоею иконою, взывая сѣце:

Радуйся, Иоакима и Анны прозябѣние святоѣ; радуйся, рождшая Сокрушившаго главѣ древняго змѣя.

Радуйся, Препоблагословѣнная в женах; радуйся, рождшая нетлѣнно Спаса душ наших.

Радуйся, дѣвство и рождество чудѣсно сочетавшая; радуйся, во обою непорочно Себѣ сохраняющая.

Радуйся, всея вселенныя велие чудо; радуйся, всех родов земных удивлѣние.

Радуйся, согрѣшающих исправлѣние; радуйся, кающихся в добродѣтели утверждѣние.

Радуйся, непамятозлѣбная наказательнице; радуйся, благосердая вразумительнице.

Радуйся, всеблагая Скоропослушнице, прошѣния наша во благо исполняющая.

Кондакъ 4

Бѹри житѣйскія избежавшии и в тихое пристанище спасѣнія на Гору Афѣонскую притекъшии, обретают здѣ утѣшѣние благодатное и поможь Божественную от святѣя иконы Твоея, Богородице, от неяже лучи чудѣс испущаеши, и токи милости Твоея изливаеши неоскудно. Тѣмже всѣ хотѣющіи в пустынях Афѣона жати спасѣние, величая Матернія щедроты Твоя, благодарственно воспевают Богу: Аллилуѣя.

Икос 4

Слышав глас Божественный от святѣя иконы Твоея, Владычице, трапезарь Нѣл позна Тя Скоропослушницу бѣти всем, с верою и любовію притекающим к чудотворному Твоему образу, и, приав от него вразумлѣние своему невѣжеству и прозрѣние своим слепотствующим очесам, возгласи Тебѣ благодарственно от душ:

Радуйся, временным наказаніем невѣжд умудряющая; радуйся, согрѣшающих покаяніе милостиво приѣмлющая.

Радуйся, на путь исправлѣнія заблуждающихся направляющая; радуйся, раны грѣховныя благоутробно врачующая.

Ра́дуйся, в нераде́нии косне́ющих любвеобильно облича́ющая; ра́дуйся, го́рестию телесных страда́ний ве́чных му́к избавля́ющая.

Ра́дуйся, волне́ние страсте́й утиша́ющая; ра́дуйся, ру́ку по́мощи Твоея́ погиба́ющим протира́ющая.

Ра́дуйся, безнаде́жных наде́ждо; ра́дуйся, скорбя́щих отрадо́.

Ра́дуйся, наги́х одея́ние; ра́дуйся, си́рых призре́ние.

Ра́дуйся, всеблага́я Скоропослу́шнице, проше́ния на́ша во бла́го исполня́ющая.

Конда́к 5

Боговещáнныя глаго́лы Твоя́ уве́девше, ино́цы оби́тели Дохиáрскаго Тебе́, Божество́ней Скоропослу́шнице, хра́м сооруди́ша при трапéзе, иде́же чудотворна́я ико́на Твоя́ пребы́вает, Пречи́стая Де́во, и вся ве́рныя утешáет зна́меньями Твоея́ ми́лости, ея́же не лиш́и и на́с смире́нных, по до́лгу Тя́ воспева́ющих, и вопи́ющих чуде́с Творцу́ Бо́гу: Аллилу́иа.

И́кос 5

Ви́девше то́ки чуде́с, от святы́я ико́ны Твоея́ Скоропослу́шницы источáемая, вси́ ино́цы Горы́ Афóнскаго стека́хуся к ней на поклонéние. Ты́ же, Мати́ Бо́жия, все́м, по коегóждо потре́бе, да́ры ми́лости Твоея́ неоску́дно подава́ла еси́ от чудотворна́го Твоегó о́браза, подвизáя благода́рно вопи́ти Тебе́:

Ра́дуйся, Мати́ милосе́рдия и щедро́т; ра́дуйся, одушевле́нный Престо́ле Вседержи́теля.

Ра́дуйся, Сы́ну Бо́жию плóть заимода́вшая; ра́дуйся, черто́же безсе́меннаго уневе́щения.

Ра́дуйся, Безплóтнаго воплоти́вшая; ра́дуйся, Бо́га с челове́ки соедини́вшая.

Ра́дуйся, преподо́бных всежелáтельное зрёние; ра́дуйся, по́стников Божество́нное ра́дование.

Ра́дуйся, пустынножи́телей т́хое весе́лие; ра́дуйся, ино́ков крёпкое упова́ние.

Ра́дуйся, де́монския полки́ побежда́ющая; ра́дуйся, враги́ спасéния челове́ческаго посрамля́ющая.

Ра́дуйся, всеблага́я Скоропослу́шнице, проше́ния на́ша во бла́го исполня́ющая.

Конда́к 6

Пропове́дует Горá Афóнская мѣлости и чудеса́ Твоя́, Преблагословѣнная Ма́ти Го́спода на́шего, и свѣ́тло красу́ется мно́гими чудотво́рными Тво́ими ико́нами, посреде́ ко́их ико́на Твоя́, Скоропослу́шница Тобо́ю нарече́нная, я́ко луна́ по́лная, луча́ми чудес немерца́емо сия́ет, просвеща́я ду́ши на́ша свѣ́том Бо́жия благода́ти и подви́зая нас хвале́бно взыва́ти просла́вльшему Тя Триеди́ному Бо́гу: Аллилу́иа.

И́кос 6

Воссия́л еси́ в пречи́стей ико́не Тво́ей, Мари́е Богоро́дице, свѣ́т спасе́ния всѣ́м, блужда́ющим во тьме́ грехо́в и страсте́й, и сию́ нарекла́ еси́ Скоропослу́шницею, моля́щимся пред не́ю с ве́рою и благоговѣ́нием от души́, ско́рую по́мощь Твою́ пода́ющи вопи́ющим Ти́ такова́я:

Ра́дуйся, мо́лние, ду́ши просвеща́ющая; ра́дуйся, гро́ме, соблазня́ющая устраша́я.

Ра́дуйся, благоо́тѣшное прибѣ́жище утомле́нных трево́лнѣнием житѣ́йскаго мо́ря; ра́дуйся, небу́рное приста́нище обурева́емых волна́ми страсте́й.

Ра́дуйся, ю́ных наста́внице целому́дрия; ра́дуйся, покрóве и огражде́ние де́вства.

Ра́дуйся, окамене́ние серде́чное умягча́ющая; ра́дуйся, хла́дность душе́вную благода́тно согрева́ющая.

Ра́дуйся, на стезю́ спасе́ния ве́рных наста́вляющая; ра́дуйся, от путе́й по́гибельных претыка́ющихся удаля́ющая.

Ра́дуйся, Спору́чнице на́ша к Сы́ну Твоему́ и Бо́гу; ра́дуйся, прѣсно умоля́ющая Его́ о поми́ловании нас грѣ́шных.

Ра́дуйся, всеблага́я Скоропослу́шнице, проше́ния на́ша во блага́ исполня́ющая.

Конда́к 7

Хотя́щи всѣ́м показáти любóвь Твою́ ве́лию к христиáнскому роду́, Богоро́дице Преблага́я, в жре́бий Тво́й земный Го́ру Афóнскую избра́ла еси́ и в не́й селѣ́ния ино́ческая умно́жила еси́, да всѣ́ обурева́емии мирско́ю суето́ю, возмо́гут обрета́ти здѣ́ тихое и удо́бное приста́нище ко спасе́нию, и Тобо́ю вспомо́ществуеми, сподо́бятся насле́дия Небе́снаго, и пѣ́ти со святы́ми Пресвяте́й Тро́ице: Аллилу́иа.

Їкос 7

Нове знамение милосердія Твоего явила еси, Владычице, в чудесном прославлении святых икон Твоей Скоропослушницы, не только иноком Горы Афонския, но и всем православным христианом, в нихже благоговейно чествуется сея иконы Твоей изображение, да вси Тебе зовут:

Радуйся, Бога нашего Мати; радуйся, в рождестве и по рождестве Дево.

Радуйся, яко Тя блажат вси роди; радуйся, яко сотвори Тебе величие Сильный.

Радуйся, яко призре на смирение Твое Господь; радуйся, яко возжелé доброты Твоей Царь царей.

Радуйся, Дщи благословенная Отца Небеснаго; радуйся, Родительнице неискусомужная Сына Предвечнаго.

Радуйся, прителитище непорочное Духа Святаго; радуйся, Тайнице Божественныя благодати.

Радуйся, горняго мира украшение; радуйся, дольняго мира заступление.

Радуйся, всеблагая Скоропослушнице, прошения наша во благо исполняющая.

Кондак 8

Странники и пришельцы есмы на земли и, по глаголу апостола, не имамы зде пребывающаго града, но к кому прибегнем, Владычице, в скорбех странствия нашего, аще не к Тебе, Всеблагая? Не отвержи нас, Мати Божия, не рцы нам: «Не вем вас, грехов ради ваших!», но помилуй нас, сирых и беспомощных, и приими нас в вечныя кровы, Покровительнице наша, да радостно вопием во славе небесней Царю славы Христу: Аллилуиа.

Їкос 8

Всем верным утешительно есть взирати на святую икону Твою, Владычице, на нейже зрим Тя, на руку Твоею держащую Предвечнаго Младенца Господа нашего Иисуса Христа, Емуже поклоняющееся боголепно, яко Творцу и Богу нашему, Тебе, истинней Богородице, умиленно глаголем:

Радуйся, обрадованная архангельским благовещением, Приснодево; радуйся, Невесто Невестная.

Радуйся, Мати Света умнаго, всех души просвещающаго; радуйся, Престолу одушевленный Небес и земли Творца.

Ра́дуйся, крѡтка́я голу́бице; ра́дуйся, непоро́чная а́гнице.

Ра́дуйся, ча́ше, че́рплющая ра́дость; ра́дуйся, неисчерпа́емый сосу́де води́ живо́тных.

Ра́дуйся, миропо́ложнице благоуха́ния Христо́ва; ра́дуйся, Ё́юже злосра́дие страсте́й на́ших отго́нится.

Ра́дуйся, Ё́юже позна́хом Сы́на Бо́жия; ра́дуйся, Ё́юже научи́хомся покланя́тися Триеди́ному Бо́гу.

Ра́дуйся, всеблага́я Скоропослу́шнице, проше́ния на́ша во бла́го исполня́ющая.

Конда́к 9

Вси́ ро́ди блажа́т Тя по до́лгу, благослове́нная Мари́е Богоро́дице, от восто́ка бо и до за́пада хва́льно и́мя Твое́, ино́ков же ли́цы Покрови́тельницу Тя свою́ именуют, наипа́че подвижа́ющиеся в жре́бии Твоём Го́ре Афѡнстей, ю́же о́собым благоволе́нием Твои́м осени́ла еси́, мно́гая чудеса́ в не́й содева́ющи, и ми́лости Твоя́ богаты́я насельником ея́ явля́ющи, да благода́рно вопи́ют о Тебе́ Бо́гу: Аллилу́иа.

И́кос 9

Ветии́ суемудре́ннии недоумева́ют позна́ти та́йну Твоего́ присноде́вства, Богоро́дице, ниже́ мо́гут изъясни́ти си́лу чудотво́рную, от ико́н Твои́х проистека́ющую, во исцеле́ние недужных и на вся́ку по́льзу душе́вную и теле́сную челове́ком. Мы́ же правосла́вно и несумне́нно Присноде́ву Тя испове́дующе, ве́рно покланя́емся ико́не Твое́й святе́й и вопие́м Ти́ си́це:

Ра́дуйся, неве́рных сумнительное слы́шание; ра́дуйся, ве́рных изве́стная похвало́.

Ра́дуйся, из боку́ чисту́ Христо́а нетле́нно ро́ждшая; ра́дуйся, ключи́ де́вства невре́дившая в Рожде́стве Твоём.

Ра́дуйся, Ма́ти и Де́во преблагослове́нная; ра́дуйся, Богоро́дице препросла́вленная.

Ра́дуйся, де́в велича́ние; ра́дуйся, ма́терей при́сное ра́дование.

Ра́дуйся, еди́на непоро́чная и до́брая в жена́х; ра́дуйся, ро́ждшая обетова́ннаго Сокруши́теля главы́ зми́я.

Ра́дуйся, па́дших прароди́телей осужде́ния дре́вняго изба́вльшая; ра́дуйся, Эде́м, заклю́ченный челове́ком, отве́рзшая Рожде́ством Твои́м.

Ра́дуйся, всеблагáя Скоропослу́шнице, проше́ния на́ша во блага́го исполня́ющая.

Конда́к 10

Спасе́ние устраи́ющи христоиме́нным лю́дем, благоволи́ла еси́, Богоро́дице, земный жре́бий Тво́й, Го́ру Афóнскую, в населе́ние ино́ком опреде́лити, и рекла́ еси́ в виде́нии пе́рвому пустынножи́телю афóнскому, преподо́бному Петро́у, бы́ти Горé сей в жили́ще ино́ком при́сное, обетова́нии благими́ утешивши егó, я́ко бу́деши Помо́щница и Покрови́тельница всём, подви́зающимся в не́й богоуго́дно, дара́ми потре́бными их снабде́ающи и от вся́ких бе́д спаса́ющи, да невозбра́нно пою́т Бо́гу: Аллилу́иа.

И́кос 10

Стена́ еси́ заступле́ния, Де́во, ино́ком правосла́вным и всём подви́жником де́вства и чистоты́. Те́мже жре́бий Тво́й земный, Го́ру Афóнскую, невхо́дну жена́м сотвори́ла еси́, да без собла́зна грехо́внаго пребыва́ют в не́й ино́цы, на Тебе́ еди́ну по Бо́зе наде́жду спасе́ния возлага́юще и Тебе́ зову́ще си́це:

Ра́дуйся, неувяда́емый цве́те де́вства; ра́дуйся, крине́ сельный чистоты́.

Ра́дуйся, светно́сная се́не небéсная, ревни́телей чистоты́ осеня́ющая; ра́дуйся, премудро́сти Бо́жия свѣ́тче, ра́чителей целомуд́рия умудря́ющая.

Ра́дуйся, ино́ком благоподви́зающимся Хода́таице спасе́ния; ра́дуйся, пустынножи́телей Горы́ Афóнския Покро́ве и Огражде́ние.

Ра́дуйся, ра́дость благода́тную излива́ющая в сердца́ боголюби́выя; ра́дуйся, утеше́ние духо́вное пода́ющая душа́м огорче́нным.

Ра́дуйся, младопита́тельница де́в и безма́терних сирóт; ра́дуйся, любо́вию Жени́ха безсме́ртнаго де́вственна́я ликостоя́ния усажда́ющая.

Ра́дуйся, в тяжко́й борьбе́ с прираже́нными страсте́й плотскѣ́х кре́пкая помо́щнице; ра́дуйся, оби́телей ино́ческих неусы́пная блюсти́тельница.

Ра́дуйся, всеблагáя Скоропослу́шнице, проше́ния на́ша во блага́го исполня́ющая.

Конда́к 11

Пе́ние на́ше смире́нное, от полноты́ любве́ и усер́дия Тебе́ приносѣ́мое, не презри́, Чи́стая, и не отврати́ся от нас, оскверне́нных мно́гими грехми́, но помози́ нам, Всеблагáя, пока́нием очи́ститься от скве́рны грехо́вныя и преуспе́ти в чи́stem и богоуго́дном жити́и, Тя подвигополо́жницу и

помощницу в сем имущем, да возможем достойно и праведно вопити ко Господу: Аллилуиа.

Икос 11

Светлыми лучами чудес святая икона Твоя немерцаемо сияет, Богородице Дево, и весь мир благодатно озаряет, прогоняючи всякое вражие действо силою Божиею, от нея исходящею; темже радуемся мы, грешнии, имущие таковой залог Твоего к нам благоволения, и Тебе, Скоропослушнице молений наших, благодарственно взываем:

Радуйся, деннице солнца незаходямаго; радуйся, заре дне не вечерняго.

Радуйся, утро спасения нам возсиявшая; радуйся, рождающая Жениха безсмертнаго душ человеческих.

Радуйся, желания наша богоугодная исполняющая; радуйся, в скорбех и обстояниях на помощь к нам благоутробно ускоряющая.

Радуйся, раю мысленный, всякаго утешения духовнаго преисполненный; радуйся, от исполнения Твоего и нам капли утешения источающая.

Радуйся, зной страстей наших прохлаждающая; радуйся, благодатное безстрастие ищущим его усердно подающая.

Радуйся, всех в чистоте целомудрия живущих zelo любящая; радуйся, в сонних и видениях избранники Божия посещающая.

Радуйся, всеблагая Скоропослушнице, прошения наша во благо исполняющая.

Кондак 12

Благодать Божия, присущая святей иконе Твоей, Скоропослушница Тобою нареченней, Богомати Владычице, влечет к ней всех скорбящих и обремененных, и не тщи отходят они от сего источника Твоих милостей и щедрот: в скорбех отраду, в напастьх защиту, в болезнях цельбу неоскудно получаая от чудотворнаго образа Твоего, Всеблагая, и благодарственно вопиют благих подателю Богу: Аллилуиа.

Икос 12

Поюще чудеса Твоя, Владычице, и велию милость Твою к христианскому роду, вемы, яко недовольни есмы к достойному прославлению Тебе, Честнейшая Херувим и Славнейшая без сравнения Серафим, обаче

надѣющесе на безприкладное милосѣрдие Твое, Всеблагая,
смирному́дренно прино́сим Тѣ пѣсни таковыя:

Радуйся, пристанище небурное подвижников благочестия; радуйся,
безмолвствующих сладкая собесѣднице.

Радуйся, в пустынях и горах скитающихся благодатная отрадо; радуйся,
тайных среди міра рабов Божіих тайное вразумлѣние.

Радуйся, грѣшников кающихся с Богом примирѣние; радуйся, Горы
Афонскія верховная Правительнице.

Радуйся, Петра пустыннолюбиваго посещеніем Твоим здѣ озарившая;
радуйся, Афанасія богомудраго явленіем Твоим облагодѣтствовавшая.

Радуйся, многія преподобныя Афонскія славою небесною прославлявшая;
радуйся, насельником Горы сея особную любовь Твою являющая.

Радуйся, телес наших безмѣзная Цѣлительнице; радуйся, ду́ш наших к
Царствию Горнему Путеводительнице.

Радуйся, всеблагая Скоропослушнице, прошѣнія наша во благо
исполняющая.

Конда́к 13

О Всепѣтая Мати, Скоропослушница наре́кшаяся во святей ико́не Твоей,
Богородице Мари́е! Приими́ ми́лостивно сие́ ма́лое моле́ние на́ше, е́же от
усѣрдия на́шего принесо́хом Тѣ с ве́рою и любо́вию, и умоли́
приснопокланяемую Трои́цу изба́вити ны́ ге́енны о́гненныя, тьмы́
несвети́мыя и мучѣнія вѣчнаго: да предста́тельством Твоим унасле́дуем
Царствие Небесное, и сподо́бимся со святы́ми пѣти Бо́гу: Аллилу́иа.

Этот конда́к читается трижды, затем 1-й и́кос и 1-й конда́к.

И́кос 1

А́нгелов ли́цы благоговѣ́йно Тебе́ служат, и вся Небесныя Сі́лы немолчными
гласы́ Тѣ ублажа́ют, Богородице Де́во, я́ко ро́ждшую а́нгелов Царя́ Христа́
Бо́га, мы́ же грѣшнии, подража́ти ѣм дерза́юще и досто́йно благохвали́ти Тѣ
недоуме́юще, смирному́дренно вопи́ем Тѣ:

Радуйся, непристу́пнаго Божества́ селѣние; радуйся, А́нгельское
непрестающее уди́влѣние.

Радуйся, Трапѣзо́ святая́, хлѣбом жи́зни нас пита́ющая; радуйся, ма́слино
благопло́дная, е́леем ми́лости сердца́ наша умаща́ющая.

Рáдуйся, дарóв Бóжия благодáти сокрóвищнице неистощíмая; рáдуйся, чудес рекó приснотеку́щая.

Рáдуйся, обíдимых Застúпнице; рáдуйся, печáльных Утéшительнице.

Рáдуйся, бéдствующих Помóщнице; рáдуйся, боля́щих Целíтельнице.

Рáдуйся, разсла́бленных укрепíтельнице; рáдуйся, пленённых свободíтельнице.

Рáдуйся, всеблагáя Скоропослу́шнице, прошéния нáша во блáго исполня́ющая.

Конда́к 1

Изб́ранной от всéх родóв Бóжией Мáтери и Царíце, скоропослу́шливо внéмлющей моли́твам смире́нным, и то́ки целе́бных изливáющей ве́рным от ико́ны Своея́ святы́я, благодарстvenное прино́сим пéние: Ты́ же, всемíлостивая Застúпнице, преклони́ся благоутрóбно к гласóм нáшим хвалéбным и от вся́ких бéд свободí ны, зовúщия Тí:

Рáдуйся, всеблагáя Скоропослу́шнице, прошéния нáша во блáго исполня́ющая.

Моли́тва

Преблагословéнная Влады́чице, Присноде́во Богорóдице, Бóга Сло́ва пáче вся́кого сло́ва на спасéние нáше рóждшая, и благодáть Егó преизобíльно пáче всéх при́имшая, мо́ре неисчерпа́емое Божéственных даровáний явля́ющаяся и чудес приснотеку́щая река́, изливáющая благодáть всéм, с ве́рою к Тебе́ прибега́ющим! Чудотворно́му Твоему́ о́бразу припада́юще, мо́лимся Тебе́, всеще́дрей Мáтери человеколю́биваго Влады́ки: удиви́ на нас пребогáтыя мíлости Твоя́, и прошéния нáша, приносíмая Тебе́, Скоропослу́шнице, испол́нити ускори́, вся́, я́же на поль́зу во утешéние и спасéние, коемúждо устрóяющи. Посети́, Преблагáя, рабы́ Твоя́ благодáтию Твоею́ и пода́ждь недúгующим цельбу́ и соверше́нное здра́вие, обурева́емым тишинú, пленённым свобо́ду и разли́чными о́бразы стра́ждущих утéши; избáви Всеми́лостивая Госпоже́, вся́к град и странú от гла́да, я́звы, трýса, потóпа, огня́, мечá и ины́я кáзни вре́менные и ве́чныя, Мáтерним Твои́м дерзнове́нием гнéв Бóжий от нас отвращáющи; тако́же и от душе́внаго разсла́бления, обурева́ния страстéй и грехопадéний свободí рабы́ Твоя́, я́ко да непреткнове́нно, во вся́ком благочéстии поживше в сéм ве́це, и в бúдущем ве́чных блáг сподо́бимся благодáтию и человеколю́бием Сы́на Твоегó и Бóга, Емúже подобáет вся́кая сла́ва, чéсть и поклонéние, со Безнача́льным Егó Отце́м и Пресвяты́м Дúхом, ны́не и прíсно и во ве́ки веко́в. Ами́нь.

Мо́литва иная

О пресвята́я Де́во, Ма́ти Го́спода Вѣ́шняго, скоропослу́шная Засту́пнице всѣ́х, к Тебѣ́ с вѣ́рою прибега́ющих! При́зри с высоты́ небѣ́снаго вели́чия Твоего́ на мя непотре́бнаго, ко святе́й ико́не Твое́й припа́дающа: услы́ши ско́ро смире́нную моли́тву мене́ грѣ́шнаго и принеси́ ю́ к Сы́ну Твоему́: умоли́ Его́, да озари́т мра́чную ду́шу мою́ свѣ́том Божѣ́ственныхя благода́ти Своея́ и очисти́т у́м мой от по́мыслов суетных, да умири́т стра́ждущее моё се́рдце и исцели́т ра́ны его́, да вразуми́т мя на до́брая дела́ и укрепи́т рабо́тати Ему́ со стра́хом, да прости́т вся соде́янная мно́ю злая́, да изба́вит от вѣ́чных му́ки и не лишѣ́т Небе́снаго Своего́ Ца́рствия. О преблагослове́нная Богоро́дице! Ты́ благоизво́лила еси́ наре́щися во о́бразе твоём Скоропослу́шница, повелева́ющи всѣ́м притека́ти к Тебѣ́ с вѣ́рою: не презри́ у́бо мене́ ско́рбнаго и не попусти́ поги́бнути мнѣ́ в бе́здне грехо́в моих. На Тя́ по Бо́же всё моё упова́ние и наде́жда спасе́ния, и Твоему́ покрóву и предста́тельству вруча́ю себе́ во ве́ки веко́в. Ами́нь.